

上饒縣志卷之二十

寓賢志

名流託足愛茲信美暫或經年久或數載卜居爰宅欣惟俗醕中原文獻萃止彬彬蔚矣斯華溫其斯質千載餘馨望之遙集志寓賢

唐

陸羽字鴻漸一名疾字季疵復州竟陵人有文學上元初隱居茗溪號桑苧翁閉門著書召拜太子文學徒太常寺太祝不就寓居信城北三里自號東岡子性嗜茶環居多植

上饒縣志

寓賢

卷之二十

茶因號茶山刺史姚驥欽慕其風頻就訪焉嘗著茶經三篇鬻茶者陶羽形目為茶神祀之御史蕭瑜領洪州羽自信州移至洪州玉芝觀瑜喜與之倡和成帙權德輿為之

序

豫章書郡舊志

宋

鄭望之字顯道

宋史作顧道

彭城人少有文名靖康初再使金營

累官至吏部侍郎以徽猷閣直學士致仕僑居上饒扁曰寓屋弟資之字深道仕至吏部侍郎亦徙上饒溪南嘗開

山路成兩巖對奔其上名壽松巖

舊志

按周輝清波雜誌云鄭顧道侍御居上饒享高壽輝不識也嘗見其除夕小詩親筆可是今年老也無兒孫次第飲茶蘇一門骨肉知多少日出高時到老夫

呂本中字居仁紹興進士累遷中書舍人兼侍講嘗同秦檜為郎檜既相有引用意本中封還除目尋以草制忤檜諷御史劾罷屏居城北茶山寺僧建祠祀之諡文清舊志

按本中有東萊詩集二十卷紫薇雜說一卷今存見四

庫書目

辛幼安名棄疾號稼軒其先歷城人淳熙間卜築邑城北靈

上饒縣志

寓賢

卷之二十

二

山外之帶湖紹興中授太平軍掌書記後歷官兵部侍郎樞密都承旨卒德祐初贈少保諡忠敏舊志

曾幾字吉甫其先贛州人從河南初授將仕郎累遷江西提

刑會兄開忤秦檜和議怒遷於幾罷歸奉祠橋居茶山寺

七年杜門謝客經年不入州府自號茶山居士檜死起為

浙西提刑知台州尋為秘書郎幾承平時已為館職屏去

三十八年而後出特賜權簽禮部侍郎孝宗受禪屢請老

乃遷通政大夫卒諡文清

有茶山集八卷今存

宋史論曰幾積學潔

行風節凜凜陳嘗膽枕戈之言以贊親征亦壯矣哉

郡前志

按一統志以兩賢堂爲呂居仁曾逮及考宋史本傳逮

趙文清次子乃知志誤今參據韓元吉兩賢祠記改正

之原

按宋淮海周輝清波雜志云輝在上饒三四年日從寓

士道徧歷溪山奇勝廖明畧徐師川呂居仁鄭顧道曾

宏甫

名惇避宋光宗諱以字行紆之子鞏之姪孫見茶山集

諸公風流未遠邦人

類能道之輝嘗欲哀集賦咏爲一編目爲玉溪唱酬以

侈一時人物之盛因循不克成

韓元吉無咎開封人維五世孫仕吏部尙書龍圖閣學士

上饒縣志

寓賢卷之二十

三

封穎川公嘗師尹焞得呂祖謙爲婿師友淵源爲諸儒所

推重徙居上饒所居之前有澗水故號南澗澗南有園菜

亭竹間號蒼筤與兄元隆俱登甲第卒葬城東所著有愚

懃錄周易繫辭南澗甲乙稿等書子澆字仲止號澗泉著

澗泉茶澗泉日記與趙章泉同時有詩名稱二泉先生方

虛谷詩上饒有二泉指此

通志及四庫書目增

按韓澆前志誤作琥今依四庫全書簡明目録改正

晁謙之字恭祖

舊志作恭道

澶州人渡江親族離散極力收卹因

居信州仕宋官敷文閣直學士卒葬鉛山鷺湖子孫因家

焉明志

周幸字德元青州人徙居上饒紹興間召對陳經綸匡濟策稱旨累官刑戶部侍郎所著有春秋大義易說等書子舜元字濟美嘗為州牧省郎皆可紀述親喪杜門謝客蔬食

三年明志郡前志

趙不迂字留臣嘗創書樓於上饒吟咏自適兄不遜字茂嘉後改名不過登進士第為清湘令嘗立兼濟倉於鉛山天

王寺通志

尹穉字少稷兗州人博學能文登孝宗朝進士累官殿中侍

上饒縣志

寓賢卷之二十

四

御史後遷至右諫議大夫紹興間僑居懷玉山以方名齋徙上饒溪南之太霞宮開軒種竹曾文清以友直名之通志

王洋字元渤東牟人仕至起居舍人僑居城之南池賦詩自適曾文清和之且嘗為叢珍集酬唱之盛甲於一時著有

東牟集十四卷通志及四庫書目增

周墮字仲固仕至湖南轉運判官徙居上饒扁所居曰尚論

東萊呂舍人有詩通志

王傳字巖起蓬萊人嘗居上饒赴淮東提舉呂東萊有贈行詩云隨行萬卷書既足以自娛因知君所樂不在使者車

可以見其人矣通志

朱熹號晦菴愛邑治南巖山水之勝嘗寓其地講學多見題

咏又與陸復齋象山呂東萊講學於鵞湖當時有障百川

迴狂瀾之稱後人思其風建祠於南巖寺左祀之舊志

陳良祐字天與金華人登紹興進士歷起居中書舍人左司

諫言會子之弊願捐內帑以紓細民之急上慨然從其言

累遷吏部尙書後因忤旨貶瑞州居住尋移信州朱史宏

柳勅字公渙其先河東人徙居信州登元符進士任河南參

軍時徽宗惑於靈素誅求百姓勅上疏不報嘆曰主上崇

上饒縣志

寓賢
卷之二十

五

虛棄實吾既不能正君可負所學而羈縻爵祿乎竟解組

南旋道經湖口訪陶元亮故址遂卜居焉通志

王欽臣仲至洙之子賜進士第錢穆甫薦於哲宗以爲學士

上曰章惇不喜乃以仲至爲開封尹穆甫爲學士後坐元

祐黨以集賢殿修撰知和州徙饒州落職提舉江州太平

觀信州居住建中靖國初起知兗州復職知穎昌除龍圖

待制知成德軍卒信州有試墨帖必其時也宋韓澆澗

按宋史載欽臣初用蔭入官文彥博薦試學士院賜進

士及第歷集賢殿修撰知和州徙饒州斥奉祠徽宗初

復待制而不載其為開封尹攷欽臣彼時賜進士未久
不當便尹開封此句必有脫訛然史云復待制亦不能
無誤待制非原官安得云復此所謂復職者復修撰之
職而後再除待制也此亦可以正史之誤

四庫全書原跋

皇清

陳璋字青璉號琢菴陝西鬱林人善琴工詩自號三痴老人
不投時好惟耽山水歲丁巳參戎劉景榮遇於采石挈之
俱來在署數年罕所接見及病旬餘忽坐起書一律一絕
而逝時年七十二葬景德寺側人呼為仙人墓

舊志

上饒縣志

寓賢

卷之二十

六

沈毓孫字十澗號蘋濱浙江海寧州人品粹學優於書無所
不覽詩宗白傅東坡放翁諸家古文則取徑於震川而上
溯乎廬陵南豐制義力法先程得其秘奧一時文章鉅公
莫不爭致幕下素尚氣節慎交遊尤愛獎勵後進歷主雙
桂鶯湖兩書院講席而掌教靈山多歷年所上邑文風蒸
蒸蒸日上皆先生力也既與邑人士相得病不欲歸遂卒於
靈山講舍蒙教澤者為請諸郡縣奉粟主院中祀焉所著
蘋濱詩草吳門集之黔留黔集西江詩草皋比餘閑草琴
硯草堂諸稿俱鏤版行世人競珍之

